

ԱՐԵՎՄՏԱՀԱՅԵՐԻ ՎԻՃԱԿԸ ԸՍՏ «ՄԱՍԻՍ» ԹԵՐԹԻ
(1852—1864)

Վ. Գ. ՂՈՒԿԱՍՅԱՆ

Արտաքին քաղաքական անբարենպաստ պայմանները, հաճախակի պատերազմները, հպատակ ժողովուրդների ազգային-ազատագրական շարժումները, երկրի սոցիալ-տնտեսական կյանքի ծայրահեղ հետամնացությունը XIX դարի առաջին կեսերին արդեն հարցականի տակ էին դրել Օսմանյան միապետության գոյությունը:

Պետությունը կործանումից փրկելու նպատակով թուրքական սուլթանները դիմեցին բարեփոխումների (թանգիմաթ): 1839 թ. Գյուլհանեում հրապարակված հրովարտակը՝ Հաթիթ-Շերիֆը, պաշտոնապես ազդարարում էր բարենորոգումների դարաշրջանը: Նախատեսվում էր տերության բոլոր հպատակների հավասարություն՝ առանց կրոնի խտրության, անձի, գույքի և պատվի ապահովություն, զինավարժության նոր կարգ, հողային ռեֆորմներ, լուսավորության գործի բարելավում, փոփոխություններ հարկային քաղաքականության մեջ և այլն:

Սակայն Հաթիթ-Շերիֆի հիմնական սկզբունքները մնացին թղթի վրա և կյանքում չիրագործվեցին: Վիճակն էլ ավելի ծանրացավ 1853—1856 թթ. Արևելյան պատերազմից հետո, երբ Թուրքիան և՛ տնտեսապես, և՛ քաղաքականապես ընկավ Անգլիայի ու Ֆրանսիայի աղղկեցության տակ: Այդուհետև Թուրքիայի ներքին և արտաքին բոլոր կարևոր հարցերը տնօրինում էին եվրոպական այդ տերությունները:

1856 թ. Անգլիայի և Ֆրանսիայի թելադրանքով սուլթանական կառավարությունը հրապարակեց բարենորոգումներ խոստացող նոր հրովարտակ՝ Հաթիթ-Հումայուն, որը 1839 թ. Հաթիթ-Շերիֆի վերամշակումն ու շարունակությունն էր և տրվում էր զիվանագիտական ոլորտներում Թուրքիայի վարկը բարձրացնելու և օսմանյան տերության մեջ տառապող քրիստոնյա ժողովուրդների պահանջները կանխելու միտումով:

Թե որքանով էր կենսունակ Թուրքիայի բռնած բարենորոգումների քաղաքականությունը, ինչպես էր այն կիրառվում կյանքում և ինչպիսին էր դրանից հետո հպատակ ժողովուրդների՝ մասնավորապես հայ ժողովրդի վիճակը օսմանյան բռնապետությունում, փորձենք ցույց առաքել Կ. Պոլսում լույս տեսնող արևմտահայ թերթերից մեկի՝ «Մասիսի» ընձեռած նյութերով:

* * *

Օսմանյան բռնապետությունը, ձևոնարկելով «բարեփոխությունների» իր քաղաքականությունը, փորձում էր հավատացնել, թե իր երկրի «հպատակ-

¹ См. А. Д. Новичев, История Турции, т. II, ч. 1 (1792—1839), Л., 1968.

ները» այսուհետև օգտվելու են մահմեդականներին հավասար իրավունքներից, ազատ են լինելու կրոնական համոզմունքներում:

1854 թ. հոկտեմբերի համարում «Մասիսը» բավական տեղ է հատկացնում կայսերական նոր հրովարտակին, որը «գրավել է բոլոր Եվրոպայի ուշադրությունը»: Իրերթը գրում էր. «Օրինաց առջև քրիստոնեից քաղաքական հավասարությունը, ամեն քաղաքական ու զինվորական պաշտոններու անոնց հասնիլը, զլիսահարկի տուրքին ջնջվիլը արդեն որոշված են...: Ողբալի անկարգություններուն առաջին առնելու ու ասկե ետև ընողները պատմելու համառ՝ հատուկ դատաստանագիրք մը անմիջապես պիտի առաջարկվի»²:

Անտարակույ՝ է, որ սկզբում այլադավանների մեջ որոշակի հույսեր արծարծեց «օրինաց առջև քրիստոնեից քաղաքական ազատության» վերաբերյալ կետը, որին այնպիսի եռանդով անդրադարձավ «Մասիսը», 1856 թ. № 231-ից մինչև № 243-ը տպագրելով Վառնայում մի բուլղար աղջկա եղենական սպանության մասին էջեր ղբաղեցնող դատական ամբողջ պրոցեսի նյութերը: Իսկ եզակի երևույթ էր ոչ թե բուն հանցագործության տեսակետից, քանի որ սպանությունների ու բռնաբարությունների և անպատիժ մեացած եղենականագործությունների մասին ամենօրյա հակիրճ հաղորդումներով լի է թերթը: Այդ պրոցեսը եզակի էր, որովհետև թուրք, այդ թվում՝ բարձրաստիճան պաշտոնյա հանցագործների հետ, որոնք կազմակերպել էին աղջկա առևանգումը, մեղադրական աթոռին էր նստած նաև Վասիլ անունով մի ոման քրիստոնյա մեղսակից՝ մինչ այդ շտեպնված երևույթ, որը թերթը զնահատում էր որպես «փետրվարի 6-ի (18-ի) խաթիբի Հումայունովը» սահմանված «օրինաց առջև հավասար ըլլալու սկզբանը» վայելուն ապացույց³:

Այս երևույթի գերազնահատությունն ինքնին արդեն խոսում է այլադավան ժողովուրդների ստորացված վիճակի մասին: Սակայն թերթի ոգևորությունը շուտով իջնում է: Այն իր սպասելիքներում հիասթափություն է ապրում, քանի որ օրենքի առջև բոլոր հպատակների հավասարության մասին իրականությունը նոր նյութեր չի տրամադրում և նման հաղորդումների մենք հետագայում այլևս չենք հանդիպում:

Այլադավանների նկատմամբ պետության ձեռք առած միջոցառումները հայտարարվում են նաև բարենորոգչական մյուս հրովարտակներում: 1855 թ. մարտի 23-ին «Մասիսում» (№ 165) տպվում է հաղորդում նոր հրամանի մասին, ուր մասնավորապես հավաստիացվում է «վեհափառ ինքնակալին իր տերության քրիստոնյա ժողովրդոց վրա ունեցած ծայրագույն խնամքը»: Այդ որոշումով «զլիսահարկի (խարաճ) տուրքը վերցած է. զինվորական կարգի մեջ քրիստոնյա հպատակները մինչև զնդապետի (միրալա) աստիճան պիտի կրնան հասնիլ»: Այդպես էր միայն թղթի վրա, իրականում այդ որոշումը ևս չիրագործվեց: «Խարաճի» փոխարեն սահմանվեց «բեդ-էլ-ասկերիե» կոչվող մի տուրք, որը պարտադիր կերպով վճարելով՝ այլադավանները, այդ թվում նաև հայերը, ազատվում էին զինվորական ծառայությունից. մի տուրքը փոխարինվեց մեկ ուրիշով:

Հպատակներին վերաբերող օրենքներից բացի, մինչև XIX դարի 70-ական թթ. թուրքական կառավարությունը հրապարակում էր որոշումներ,

2 «Մասիս», 1854, № 142:

3 Նույն տեղում, 1856, № 231:

որոնք շոշափում էին պետական քիչ լին շատ կանոնավոր ապարատ ստեղծելու հարցեր և մեծ տեղ էին զբաղում թանգիմաթի սիստեմի մեջ:

1856 թ. փետրվարի 6/18-ին սուլթանական բարձրագույն հրովարտակով ազդարարված նոր օրենքների ընդունումը մեծ իրարանցում առաջացրեց թուրքական կյանքում:

Որքան էլ «Մասիսն» ընդհանուր սուլթանական զուսպ և շափավոր էր դեպի վերոհիշյալ բարենորոգումները և ըստ երևույթին մեծ հույսեր չէր կապում դրանց հետ (հավանաբար հիշելով 1839 թ. Հաթթը-Շերիֆից եկող փորձը), այսուհանդերձ հավուր պատշաճի նշում էր այդ իրադարձությունը: Թերթի № 212-ում կարդում ենք, որ երկուշաբթի «մայրաքաղաքիս բոլոր եկեղեցիներուն մեջ կայսերական խաթիի Հումայունը կարդացվեցավ, հրապարակական աղոթքներ ու բարեմաղթություններ եղան...»:

Կայսերական այս նոր հրովարտակը որոշ փոփոխություններ էր ազդարարում վարչական սիստեմում: Նա, մասնավորապես, նախատեսում էր «հպատակ հասարակության կողմից ընտրված լիազոր» ունենալ Արդարության բարձրագույն ատյանում և տվյալ «հասարակությանը» վերաբերող գործերը քննարկելիս հաշվի առնել նրա կարծիքը:

Նախատեսվում էր կարգ ու կանոն հաստատել նաև զավառում: Այստեղ տիրող շփոթն ու անկարգությունները վերացնելու և թանգիմաթի օրենքները գործադրելու համար մեծ էպարքոս Մուստաֆա Ռեշիդ փաշան հատուկ հանձնաժողով է ստեղծում, որի մշակած կանոններով որոշվում էր՝ զավառական բոլոր հասույթների ճիշտ հանրացուցակ կազմել, մարդահամար անցկացնել, «զավառական կառավարության բաժանմունքները լավ կարգի մը դնել», բանտերը բարեկարգել, ճանապարհներ շինել և այլն: Գավառում կիրառվելիք վարչական վերաբաժանումը բխում էր Հաթթը-Հումայունի սկզբունքներից և նախատեսում էր նախկին փաշայությունների փոխարեն ստեղծել նահանգներ (վիլայեթներ), իրենց համապատասխան ենթաշրջաններով: Այդ օրենքը վերջնական կելուարանք ստացավ 1864 թ. և ընդհանուր գործադրում գտավ 1867 թ.: Սուլթանը, ըստ երևույթին վստահ չլինելով և՛ օրենքների կիրառելիությանը, և՛ մանավանդ զավառի բնակչության համակրանքին, հատուկ հրովարտակով կարգադրում է զավառի վերաբերյալ բարեփոխումները սկզբից գործադրել միայն Պրուսալում: Թերթի հետագա հաղորդումներից երևում է, որ այնտեղ բաղենորոգումները «հաջող են անցել»։ Պրուսայի նահանգը բաժանվել է չորս զավառի (սանջակ), մուխթարների (գյուղապետերի) 40 հոգուց բաղկացած ժողովում ընտրվել է 4 հայ, 4 հույն և 1 հրեա, կազմվել է նահանգական մեծ ժողով, առևտրական ատյան, խառն ատյան. մեծ ժողովում «հայոց և հունաց առաջնորդները իրենց ժողովրդյանը վերաբերյալ խնդիրներու մեջ... իրենց կարծիքը պիտի խոսին: Հրեաներն ալ իրենց ազգին վերաբերյալ գործ մը պատահած ժամանակը իրավունք պիտի ունենան իրենց ազգակիցներեն մեկը հոն ղրկելու»: Թերթը եզրակացնում է. «Բոլոր ժողովուրդը կը հուսա, որ կայսերական հրովարտակին այս բարի տնօրենությունները խիստ օգտակար արդյունքներ պիտի ունենա իրենց համար, քե՛ս եւ նշտիլ ի գործ դրվին»։ Այս վերջին բառերից ակնհայտ է, որ թերթը չէր հավատում այդ օրենքների գործադրությանը:

⁴ Նույն տեղում, 1857, №№ 277, 298 (ընդգծումը մերն է—Վ. Ղ.):

«Մասիս» թերթի ընձեռած նյութերը մեղ իրավունք են տալիս կատարելու այն ընդհանուր եզրակացությունը, թե Ղրիմի պատերազմից առաջ և մանավանդ դրանից հետո ղյուրին չէր վերացնել երկրի ներսում խոր արմատներ դրած սոցիալական չարիքները: Բարենորոգումները սվիններով էին ընդունվում հատկապես ծայրամասերում, որտեղ ծագած խռովությունները զսպելու համար սուլթանները հաճախ ստիպված էին լինում մայրաքաղաքից զինված ուժեր ուղարկել:

Բարեկարգումներին միայն առերես համակրանքով էր նայում հենց ինքը՝ թուրք պաշտոնեությունը, պալատականների մի զգալի մասը, նահանգապետներն ու մյուզիկները: Ստեղծված իրադրությունից դժգոհ լինելու հետևանք էր նաև 1859 թ. Արդուլ Մեջիդի դեմ կազմակերպված դավադրությունը, որի մասնակիցները՝ ի թիվս այլ պահանջների, դեմ էին քրիստոնյաներին տված իրավունքներին: Թուրքական ֆեոդալական իրականությունը 1850-ական թթ. դեռևս հասունացած չէր: Ոչ արմատական բարեկարգությունների, ոչ էլ բուրժուական սահմանադրության համար: Այս է հաստատում թեկուզ այն փաստը, որ 1876 թ. անցնելով իշխանության գլուխ, սուլթան Համիդը արագորեն ի չիք դարձրեց թանգիմաթի հիմնական օրենքները, արհամարհանքով արտահայտվելով ուժերի սիրող իր պապի, հոր և հորեղբոր մասին:

Այնինչ, մյուս կողմից, մոլեռանդ մուսուլմանական կրոնավորների ջանքերով, հրահրվում էին աղվամիջյան հսկասություններ, քրիստոնյաների ներկայությամբ էր բացատրվում մահմեդականների ծանր վիճակը. այս ամենը բնակչության անվարկացած մասի մոտ ստանում էր կատաղի ատելություն բնույթ, և ընդհանուր դժգոհությունն ու անհանդուրժողականությունը առաջին հերթին անդրադառնում էին քրիստոնյա ժողովուրդների կյանքի վրա, որոնց վիճակը թուրքիայում գնալով դառնում էր անտանելի: Հանդիսանալով պատրիարքարանի և լիբերալ բուրժուազիայի գաղափարախոսը, «Մասիսը» հաճախ բոլորովին այլ նկատառումներով է անդրադառնում հայ, թուրք, հույն կամ հրեա աշխատավորների սոցիալական ծանր վիճակին, ձգտելով ցույց տալ կայսեր կամ մյուս մեծատունների բարեգործությունները նրանց նկատմամբ: Բայց հենց այդ նյութերն էլ բավական պատկերացում են տալիս իշխող դասի ամենօրյա կամայականություններին ենթակա, խավարի ու աղքատության մեջ տառապող ժողովուրդների կյանքի մասին: Որքան դժվարին էր «Պեպեք բնակչալ ողբատ տաճիկի մը վիճակը», որը 1858 թ. ցրտաշունչ ձմռանը անկարող լինելով բնաշնորհի համար ածուխ և ստակ հայթայթել՝ խելագարվում է հուսահատությունից («Մասիս», 1858, № 314): Կամ պատմվում է, թե ինչպես մի աղքատ հոնիացի ածխավաճառից ածուխ գնելիս սակարկում է նրա հետ՝ ի վիճակի չլինելով պահանջածը վճարել և երբ ածխավաճառը համառում է՝ հոնիացին դանակի հարվածով սպանում է վերջինիս (№ 313):

Հայատառ թուրքերեն «Մեճմուայը հավատիս» լրագրից «Մասիսի» արտատպած հաղորդման մեջ խոսվում է Ակն քաղաքում տեղի ունեցած մեծ խռովության մասին, որի պատճառը հայկական եկեղեցիներում զատկի օրվա առթիվ զանգերի հնչեցնելն էր: Քսողաքի թուրք բնակիչները, անտեսելով Հաթթը-Հումսուլունով քրիստոնյաներին տրված այդ իրավունքը, խուռն բաղմությամբ նախ բողոքի են գնում տեղի դատավորի մոտ, ապա հավաքվելով եկեղեցիների շուրջը, բռնությամբ վայր են իջեցնում զանգերը: Հայ բնակիչները դիմում են հայոց պատրիարքին, վերջինս էլ՝ Բ. Դռանը և նորից հատուկ հրաման է

ուղարկվում հարբերդի կուսակալին՝ որպեսզի «Ակնա քրիստոնեից եկեղեցիներուն մեջ կոչնականները վերահաստատել տա»։ Կուսակալի հրամանն ուղարկվում է մյուսիսին և սա տերության հրամանը կարգալու համար երկրին ժողովը և քրիստոնեից զխավորներն իր ապարանքը կը հրավիրեն»։ Բայց նույն միջոցին վեց-յոթ հարյուրի շափ թուրք կանայք, իսկ նրանց մեջ նաև կանացի շուրերով ծպտված տղամարդիկ, ձեռքերին տապարներ, քարեր ու գերանդիներ, զոռում-զոչունով դիմում են մյուսիսի ապարանքը, բղավելով թե ոչ միայն շեն թույլ տա զանգերը կախել, այլև քանդելու են «զյաուրների» եկեղեցիները, սպանելու են հրովարտակր բերեղ պաշտոնյային և ներսում գտնվող «զյաուրներին»⁵։ Մի քանի համար հետո (№ 399) թերթը տեղեկացնում է, որ խոտովություն սերմանողների մեջ են եղել Ակնի գավառական ժողովի անդամներից մի քանիսը և մուֆթին (կրոնական օրենսդիրը)։

Անապահով վիճակում էին ոչ միայն հայերը։

«Մասիսի» № 286, 293-ում կարդում ենք հաղորդումներ հրեա ծառայի նկատմամբ կիրառված վայրագ հաշվհարդարի մասին։ Վեճի բռնվելով մի քանի թուրքի հետ, հրեան, իբր, հայհույում է Ղուրանը։ Այդ բավական էր, որպեսզի Թունիսի բեյի հրամանով, նրան ամենազազրելի տանջանքներից հետո զխատահին։ Սակայն հատկանշական է, որ մոլեռանդ մուսուլմանների համար անհամեմատ ավելի տհաճ հետևանքներ էին ունենում այն անօրինականությունները, որոնք նրանք զործադրում էին հվրոպացի, հատկապես անգլիացի և ֆրանսիացի քրիստոնյաների նկատմամբ։ Վերջիններս անմիջապես կանխվում էին ոչ միայն տեղական իշխանությունների կողմից, քանի որ նրանք ստրկական վախ ունեին իրենց նոր տերերի հանդեպ, այլև այդ միջադեպերն անմիջապես ուժի ցուցադրական դատաստանի էին ենթարկվում հվրոպական հիշյալ երկրների ներկայացուցիչների կողմից, որոնք խուլ էին միայն «հպատակներին» ահաբեկող հարստահարությունների նկատմամբ։

«Մասիսի» 1856 թ. № 255-ում հանդիպում ենք «Պոես զը Օրիան»-ից արտատված մի նյութի, որ պատմվում է, թե ինչպես շուկայում առևտուր անող անգլիացի մի պաշտոնյայի սպասավորին ծեծելու, ապա Գազայի մյուֆթիի կողմից ևս՝ հանցագործին պատժելու փոխարեն սպասավորին գավազանի 100 հարված հասցնելու պատճառով «անգլիական մի գինվորակուն նավ է եկել նավահանգիստ ու կանգնել Գազայի դիմաց»։

Նույն թվականի № 257-ում տպված մի ուրիշ հաղորդման մեջ կարդում ենք, որ կայսերական գինվորական դպրոցի մի խումբ աշակերտներ իրենց ղեկավարի թուլությունից անարգել են ֆրանսիական գինվորական գերեզմանոցը, մի կողմ են նետել շիրիմներին դիմած խաչերը, դռան մոտի մեծ քարը, որի վրա «պատերազմի պաշտոնյայի» թուլությունից անհաղթելի Ղուրանից մի տող մակադրություն է եղել։ Բայց Կ. Պոլսի ֆրանսիական դեսպանն անմիջապես միջամտում է դեպքին, և օսմանյան սրետությունը պատասխանատվության է կանչում աշակերտներին, կարգադուրկ է անում և բանտարկում դպրոցականներին ուղեկցող փոխգնդապետին, պաշտոնից ու գինվորականությունից հեռացնում է հարյուրապետին։

⁵ Տե՛ս «Մասիս», 1859, № 394.

Ահա այսպես զործունյաւ էր թուրքական դատաստանը, երբ խոսքը վերաբերում էր իշխող երկրների քրիստոնյա ներկայացուցիչներին: Բայց պատկերը բոլորովին այլ էր, երբ օրը ցերեկով մորթվում էր անգն հայր:

«Մասիս» № 293-ում հաղորդվում է, որ Պրուսացում բնակվող մի թուրք երեկոյան ղեմ մտնում է հայաշատ թաղերից մեկը և ձեռքին պատրաստ պահած դանակով սպանում ու վիրավորում է պատահած «զյատրին», առանց հաշիվ առնելու սեղ- և տարիքը: Տեղական իշխանությունները հանցագործին հայտարարում են «խելագար» («Մասիս» № 294): Իսկ երբ սպանողը ոչ թե մահմեդական, այլ քրիստոնյա էր, ապա թուրքական արդարադատությունն անմիջապես դրսևորում էր իր դաժանությունը: 1863 թ. № 598-ում «Մասիսը» առանց ծանոթագրությունների հակիրճ մի հաղորդում է տպում, ուր ասված է թե «մշեցի 18—20 տարեկան հայ երիտասարդ մը Մկրտիչ անուն՝ ասկեց քանի մը ամիս առաջ Օգմեյտանին Իզդեթ անուն տաճիկ մը սպաննած ըլլալով, չորեքշաբթի առտու կամուրջին զուխը կախվեցաւ»:

Մի ուրիշ հաղորդում գալիս է լրացնելու հպատակների նկատմամբ թուրքական «արդարադատության» կիրառած այս բացահայտ կողմնապահությունը. «Անցյալները, — գրված է «Մասիս» 1853 թ. № 88-ում, — Պրուսալի մեջ հայ մը սպաննող տաճիկը ղեռ բանտը կեցած է բարձրապատիվ կուսակալին հրամանավր, որ գտնիկա՛ւ. Պոլիս իրկելու դիտավորություն ունի դատաստանը վերստին տեսնվելու համար, բոտ որում տեղվույս դատավորը վճռեց թե հանցանք չունի»:

Խոսք չէր կարող լինել ազգերի հավասարության մասին, եթե քաղաքում, բոլորի աչքի առաջ մի թուրք, դավադանի հարվածով, առանց այլևայլության սպանում էր հայ խառնությանի հղի կնոջը, որովհետև վերջինս, խառնվելով թուրքի չվճարած դուռուշների պատճառով ծագած վեճին, փորձում է հաշտեցնել ամուսնուն և սանձաղերծված գնորդին: Իսկ հարցաքննության ժամանակ թուրքը սառնասրտությամբ պատասխանում է. «Այո. բսպանեցի, ի՞նչ կըլլա եղեր. կեալուու չէ՞ մի» («Մասիս», № № 295, 307):

Այդպիսի լկտի պատասխան է տալիս քննիչին նաև մի ուրիշ թուրք մարդասպան, երբ հայ երիտասարդ արհեստավորի մոտ նորոգելու տված հրացանի համար պահանջվածք վճարելու փոխարեն վիճում է նրա հետ և հրացանի կոթով այնպես է հարվածում երիտասարդին, որ վերջինս մահանում է: «Ես, — ասում է նա, — գտնիկա կրթելու համար ծեծեցի, բայց մեռավ. հայ մը մեռնելով ի՞նչ կըլլա եղեր» («Մասիս», 1853, № 93):

Մեկ ուրիշ անգամ թերթին հաղորդում են, թե ինչպես էրեյի մոտ պորտաբույծ զապթիեների զոհն է դառնում գրոսանքի դուրս եկած 12 հոգուց բաղկացած քրիստոնյա մի ընտանիք: Թուրք մարդասպաններն ընտանիքի հացն ուտելուց ու զվարճանալուց հետո սուտ վեճի են բռնվում հյուրասիրողների հետ և սպանում են նրանց մինչև վերջին մարդը («Մասիս», 1859, № 391):

«Մասիս» № 331-ում նկարագրվում է, թե ինչպես չորս թուրք «կին գտնելու» նպատակով մտնում են հայկական մի տուն և այնտեղ 15—16 տարեկան մի աղջկա այնպիսի զազանային տանջանքների են ենթարկում, որ աղջիկը մահանում է: Վրա հասնողները բռնում են շարագործներից երեքին, իսկ չորրորդին հաջողվում է փախչել: Եվ ահա «հարցաքննող» մյուսիքին

մյուս երեքը «համոզում են», թե հանցանքը կատարել են ոչ թե իրենք, այլ փախչող շորորորդը, և մյուդիրը այս երեքին էլ ազատ է արձակում:

Քրիստոնյաներին հասցրած վիրավորանքներն ու պատիժները շունեն ո՛չ բաժան, ո՛չ չափ: Թերթի 1856 թ. № 235-ում կարդում ենք, որ Պրոսպյի դավառի Չենկիլեր գյուղից Առաքել անունով 12 տարեկան աղքատ մի հայ տղա, որպես կալվոր ընդամենը 25 ղուրուշով ծառայության է տրվում Բազար գյուղացի Բել անունով մի թուրքի մոտ: «Անցյալ շորեքշարթի օրը,— գրում է թերթը,— տղան կալ վարած ատենը՝ վերոհիշյալ Բել Ալին վրան կհարձակի «կալին ձիերը լավ չես վարեր ու կքնանաս» բռնելով և կատաղաբար զանիկա կծեծե այնպես անխնա, որ տղուն շունչը հատնելով՝ կմեռնի»:

Թալանը և ավազակությունը կատարվում էր «արդարադատության» աչքի տուաջ և մեծ մասամբ մնում էր անպատիժ, որովհետև դրան հետամուտ էին ո՛չ տեղական և ո՛չ էլ կենտրոնական իշխանությունը: «Մասիսի» 1864 թ. № 648-ում տպված է, որ կեսօրին Նիկոմեդիայի Լալե-Դերե գյուղը ավազակներ են մտնում և Զաքար անունով մի հայ գեղջուկի խոշտանգելով, իսկ կնոջ կրծքին եռացրած ձեթ լցնելով՝ ստիպում են հանձնել թաքցրած թանկարժեք իրերը: Լարևան հայ կինը, որ ականատես է լինում այս բոլորին, չդիմանալով՝ աղմուկ է բարձրացնում, բայց ավազակները, ժամանակ չկորցնելով, հրացանի մի գնդակով լուցնում են նրան: Փաշայի ուղարկած քննիչները փոխանակ պարգևի և ղեկությունը և հանցագործների և տեղից գնալու, գյուղում գեղջուկների հաշվին կերտելու և սկսում և ստիպում են նրանց ստորագրել, որ այդ ծախսերն իրենք՝ քննիչներն են արել: Այս բոլորից հետո թղթակիցն ավելացնում է, թե իրենց գյուղերում համատարած է թալանը, այդ պատճառով գյուղացիք հասած բերքը թողնում են դաշտերում:

Սեբաստիայի մի խումբ բնակիչներ նամակ են գրում թերթի խմբագրությանը, ուր բողոքում են տեղական թուրքերի այլասերված վարքագծի դեմ: Պարզվում է, որ նրանք դարանակալ սպասելով տների, դպրոցների և նույնիսկ եկեղեցիների մոտ, բռնում են հայ պատանիներ և բռնի ճնշման ենթարկելով նրանց՝ «բարոյական զեղծման» պատճառ են դառնում («Մասիս», 1864, № 636):

«Մասիսի» 1862 թ. № 537-ում տպված է Կ. Պոլսի Պալաթ թաղից ուղարկված մի նամակ, ուր հայտնվում է, թե դպրոց կառուցելու համար կայսերական հրաման ունենալով, հայ բնակիչները փորում են դրա հիմքերը: Սակայն թաղի թուրք բնակչությունը չբավարարվելով շենքի հետագա կառուցումը դադարեցնելու մասին իրենց ստացած նոր հրամանով, թափորով դալիս են այդ վայրը, լցնում են փորված հիմքերը, ավերում ու կոտրում են շինանյութը, հայտարարելով թե այդ դպրոցն «իրենց գործին վնաս է», հարձակվում են եկեղեցուց եկած հոգևորականների ու թաղային խորհրդի անդամների վրա, քարկոծելով վիրավորում են նրանց:

Ցավոր «Մասիսը» չի կատարում իր խոստումը և ինչ-ինչ պատճառներով չի հրապարակում աղգային գերագույն ժողովի ատենադպիր պ. Դալուստ Տ. Պողոսյանի գրառումները՝ Պրոսպյի նահանգում կատարած իր ուղեորությունից, որոնք թերթի բնութագրմամբ «աղգային պատմության մեջ նշանավոր և միանգամայն տխուր թերթ մը պիտի էվելցնեն» («Մասիս», 1852, № 19): Նա Պրոսպա էր մեկնել մի հայաբնակ գյուղի մեջ պատահած «ցավալի դեպ-

քերտուն պատճառավոր», ուստի պարզ է, որ խոսքը վերաբերում էր հարստահարությունների մի շարանին:

Հայ գյուղացին բողոքի ձայն էր բարձրացնում ծայրահեղ հուսահատության մեջ, այն էլ վստահ չլինելով, թե դրանից իր վիճակը կբարելավվի: Այդպիսի մի նամակ է տպում «Մասիսը» 1864 թ. № 655-ում, ուր Սերկեվիկ գյուղից թերթին ինդրում են միջամտել Բարձր Դուսնը, որպեսզի մի քանի հանցագործների, որոնց գյուղացիների գանգատների հետևանքով ի վերջո Կ. Պոլիս են բերել, հանկարծ «թեթև պատիժ մը» տալով հետ չվերադարձնեն, քանի որ այդ դեպքում ոչ միայն իրենց, այլև «մնացյալ ազգային գյուղերն ալ մյուս խժաբարո բռնավորաց բողոքովին զոհ կըլլան»: Նամակում տառապյալ գյուղացիները հայտնում են, որ մի փոքրիկ գավառում 20-ից ավելի ինքնընտիր մյուղիկների ու «նույնչափ բարբարոս տերեւեկիներու» ձեռքից «տակավին ձաղակոտոր կըլլա խեղճ ժողովուրդ մը», որի մեծ մասը հալածանքից ազատվելու համար տուն-տեղ թողած լցվել է Պոլիս:

Անլուր ճնշումներն էին, որ ստիպում էին հայ ժողովրդի առանձին հատվածներին կա՛մ ընդվզել ու զենքը ձեռքին պայքարել թուրքական բռնապետության ազդային կեղեքումների ու անօրինականության դեմ և կա՛մ՝ «ի վիճակի չլինելով դիմելու զինված ապստամբության», թողնել հայրենիքը ու գաղթել Ռուսաստան և այլուր⁶: «Հաթթը-Հումայունից» երեք տարի անց, 1859 թ. № 362-ում, «Մասիսը» տպում է մի հաղորդում, ուր բացահայտ է դառնում հայերի մասսայական արտագաղթը: «Տրապիզոնեն մայրաքաղաքիս օրոնեալ լրագրին զեղած նամակ մը լուր կուտա, թե ժամանակ մը ի վեր այն կողմերու ժողովրդոց մեջ Ռուսիո հպատակ գրվելու եռանդը օր ըստ օրե ավելնալու վրա է, և արդեն քանի մը հազարի չափ մարդիկ՝ Տրապիզոնեն խոթալիս երթալ գալով՝ քանի մը օրվան մեջ և ընդամենը 120—150 ղուռուշ ծախք ընելով Ռուսիո հպատակ գրվեր են»:

«Մասիսը» տազնապով է պատմում Պրուսայի Ենիճե-Քյոյ գյուղում կատարված դեպքերը: Տասնյակ տարիներ շարունակ հարևան Բաբա-Սուլթան գյուղի թուրքերը ավերում ու թալանում էին հիշյալ հայկական գյուղը: Ի վերջո տեղական իշխանությունները որոշում են վերջ տալ նման դուրբանք և բաբասուլթանցիներին պարտավորեցնում են հատուցել հայերին պատճառած վնասները: Հայերը փոխհատուցում չեն ուզում, այլ միայն բարոյական հաշտությունն են խնդրում և պայման են դնում, որ այսուհետև թուրքերն իրենց չհալածեն: Բայց ահա ի՞նչ տարի անց, ամեն ինչ սկսվում է նորից: Լկտիությունն այն աստիճանի է հասնում, որ մի քանի հայի լծում են իրենց սայլերին և եզների տեղ քշում են, մինչև վերջիններս ուժասպառ վայր են ընկնում: «Մեկ խոսքով իշխանություն չկա հոս»,— իր խոսքն ամփոփում է նամակագիրը և ավելացնում է, որ Ենիճե-Քյոյի հայ բնակիչները ստիպված թողնում են իրենց գյուղը և լցվում Պրուսա կամ գնում են օտար վայրեր («Մասիս», 1862, № 551):

Եվ այս երևույթը գնալով ավելի մեծ ծավալ է ընդունում: Հայերի փախուստը սեփական հարևաններից լուսաբանում են նաև օտար թերթերը: Նման հաղորդումներից մեկում «Մասիսը» մեջբերում է անում ֆրանսիական «Պատուի» լրագրի 1863 թ. իետրվարի 17-ի համարից, ուր՝ «Քյուրտերուն ձեռքեն

6 Մ. Գ. ՆԱՐԱՅԱՆ, Հայ ժողովրդի ապստամբական պայքարը թուրքական բռնապետության դեմ, Երևան, 1955, էջ 207, 276:

մուշկի հայերուն կրած հարստահարությունները» պատմելով, թերթն ավել-
լացնում է, թե նրանք «ուրիշ ճար չեն գտեր իրենց թշվառության բայց եթե
հայրենիքնին ձգելով փախչիլ» («Մասիս», № 576):

Ժողովուրդը կա՛մ փախչում կա՛մ ապստամբում էր և կա՛մ ճարահատյալ
շարունակում էր ապրել Թուրքիայում՝ աչքի առաջ ունենալով օրհասը, այնինչ
արևմտահայ մտավորականությունն ուրույն ուղիներ էր որոնում ստեղծված
վիճակից դուրս գալու համար: Վերը հիշված № 576-ում վաղուց ի վեր եվրո-
պական կողմնորոշում ունեցող, և այժմ արդեն թուրքական ռեֆորմներից
հրաժարված «Մասիսը» իր տեսաբան Վ. Պառնասյանի բերանով առաջին ան-
գամ պարզորոշ շարադրում է հայ բուրժուազիայի ներկայացուցիչների այն
ակնկալությունները, որոնք հանգում էին եվրոպայից սպասվող օգնությանը:
«Արդեն եվրոպացվոց մեջեն,—գրում է նա,—մեծահամբավ անձինք մեր վրա
կարեկցությամբ նայիլ սկսեր են...»:

Այսպիսով, Պոլսի «Մասիս» թերթը թեև «օսմանյան բարեիրամ տերու-
թյան» հետ հաշտ ապրելու ուղիներ էր որոնում և ընդհանուր առմամբ հավա-
տում էր ռեֆորմների ուժին, բայց մյուս կողմից մերկացնում էր թուրքական
դաժան իրականության մեջ տիրող կամայականությունն ու հպատակ ազգերի
նկատմամբ կիրառված անմարդկային քաղաքականությունը, բացահայտում
տերության ձեռք առած բարենորոգումների անիրական լինելը և իր ձեռով ար-
ձագանքում տառապող ժողովուրդների ձայնի, թեև ստեղծված վիճակից դուրս
գալու հեռանկարները տեսնում էր եվրոպական տերությունների օգնությանը
ասպվիճելու քաղաքականության մեջ:

ПОЛОЖЕНИЕ ЗАПАДНЫХ АРМЯН ПО ГАЗЕТЕ «МАСИС» (1852—1864)

В. Г. ГУКАСЯН

(Р е з ю м е)

Статья посвящена анализу опубликованных в «Масисе» в 1852—
1864 гг. материалов, касающихся положения западных армян в Осман-
ской империи в указанные годы.